



Inatsisartuni Ilaasortaq
Sofia Geisler, Inuit Ataqtigiit
/Maani

§ 37 naapertorlugu apequteqaammut nr. 195-2020 kingunerutinut tunngasumut akissut

Asasara Sofia Geisler

Inatsisartut suleriaasianni § 37 naapertorlugu errorsinermut qaqorsaait kingunerutillu avatangiisinut innarliisuunngitsutut nalunaaqutsikkanik tipigissaatitaqanngitsunillu Namminersorlutik Oqartussat ingerlataanni atuinermut tunngasumik Naalakkersuisunut apequteqarputit. Apeqqutitit uannut akisassanngortinneqarput.

UKA2019/131 aqqutigalugu Naalakkersuisut peqquneqarput Namminersorlutik Oqartussat ingerlataanni errorsinermut qaqorsaait aammalu kingunerutit avatangiisinut innarliisuunngitsunik nalunaaqutsikkanik aammalu tipigissaateqanngitsunik taamaallaat atuilernissaat qulakkiissagaat.

§37_120/2020-mut akissummi allassimavoq errorsinermi qaqorsaait kingunerutillu avatangiisinik mianerinnittutut nalunaaqutsikkat tipigissaatitaqanngitsullu Namminersorlutik Oqartussat sullissiviini atorneqarnissaat qulakkeerniarlugu tamanna isumaqatigiissutini piumasaqaatit ilanngunneqarsimasoq.

- a. **Namminersorlutik Oqartussat suliffeqarfiutaasa sorliit errorsissutit kingunerutillu avatangiisinik mianerinnittutut nalunaaqutsikkanik tipigissaatitaqanngitsunillu atuilersimappat?**
- b. **Sullissivinnut pineqartunut ilaappat ilinniartunut inissiat, kollegiat, Namminersorlutik Oqartussat ingerlataat?**
- c. **Taamaassimappat; kollegiani ineqartunut piumasaqaataalersimava errorsissutinik kingunerutinillu avatangiisinut eriniaginnittutut nalunaaqutsikkanik tipigissaatitaqanngitsunillu atuissasut?**
- d. **Taamaassimanngippat; taamak piumasaqarnissamut Naalakkersuisut pilersaaruteqarpat?**

Apeqqut a-mut akissut:

Apeqqutitip akinissaanut Aningaasaqarnermut Sulisoqarnermullu Aqutsisoqarfimmit (ASA) ima ilanngussaqaartoqarpoq:

”Namminersorlutik Oqartussat Qitiusumik Allaffeqarfimmi eqqiaanermut isumaqatigiissutaani piumasaqaatini allassimavoq qaqorsaait kingunerutillu avatangiisinut innarliinngitsutut nalunaaqutserneqarsimassasut

Allakkap ullua: 04-12-2020
Suæiap normua.: 2020 - 24930
Allagaatip ilisarnaataa:
15455208

Postboks 1614
3900 Nuuk
Oqarasuaat.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

tipigissaatitaqassanngitsullu. Isumaqatigiissut tamanna Aningaasaqarnermut Sulisoqarnermullu Aqutsisoqarfiup ataani Kontoret for Bygning og Service-mit nakkutigineqarpoq.

Isumaqatigiissut illunut qitiusumik allaffeqarfissuarmiittunut, Namminersorlutik Oqartussat allaffeqarfianni NC-miittumi, Aningaasaqarnermut Sulisoqarnermullu Aqutsisoqarfiup allaffeqarfiani Aqqusinersuaq 5-imiittumi, allanilu allaffeqarfinni minnerusuni qitiusumik allaffeqarfimmit atorneqartuni atuuppoq. Eqqiaanermut isumaqatigiissutit Kontoret for Bygning og Service-mit isumagineqartut illunut qitiusumik allaffeqarfiup avataaniittunut atuutinngillat-kollegiallu ilinniarfeqarfiillu isumaqatigiissummut ilaanngillat.”

Apeqqut b-mut akissut:

Apeqqutip akinissaanut Ilinniartitaanermut, Kultureqarnermut Ilageeqarnermullu Naalackersuisoqarfimmit ima ilanngussaartoqarpoq:

Ilinniartitaanermut, Kultureqarnermut Ilageeqarnermullu Naalackersuisoqarfik ilinniartut ineqarfiisa allaffeqarfiinit ataasiakkaanit akissutissanik pissarsisimavoq. Ilinniartulli ineqarfiisa allaffeqarfii tamarmiunngitsut akissutisiffigineqarput.

GUX Nuummit ima akissuteqartoqarpoq:

"Nalinginnaasumik atuarfiup eqqiarneqarnerani qaqorsaatit avatangiisinut innarliinngitsut atortarpavut, ilinniartut aamma ineqarfiini. Ilinniartut namminneerlutik atuarfiup errorsisarfianni errorsisarput, qaqorsaatinillu aalajangersimasunik atornissaannik piunasaqarnikuunngilagut.”

Perorsaanermik Ilinniarfimmit ima akissuteqarput:

”Ilulissani Perorsaanermik Ilinniarfik tassaavoq tipigissaammik atuiffiunngitsaq, ilinniartullu ineqarfiini kingunerutit tipigissaatitallit inerteqqaapput.”

Ilinniartut Ineqarfiisa Allaffeqarfiannit ima akissuteqarput:

" Ilinniartut Ineqarfiisa Allaffeqarfianni errorsissutit avatangiisinut innarliinngitsutut nalunaaqutsikkat atortarpavut, kingunerullu atorneq ajorparput. Ilinniartut ineqarfiini arlalinnik errorsiveqarfiusuni errorsivik ataaseq taamaallaat errorsissutinut kingunerutinullu avatangiisinut innarliinngitsutut nalunaaqutserneqarsimasunut atorneqartussaqaq pigineqartarpoq.”

Inuili Food Collegemit ima akissuteqarput:

”Inuilimi qaqorsaatit avatangiisinut innarliinngitsutut nalunaaqutsikkat tipigissaatitaqanngitsut atorneqartarput. Naamik. Inuit namminneq atugassaannut avatangiisinut innarliinngitsutut nalunaaqutsikkat tipeqanngitsullu siunnersuutigisarpavut.”

Tech College Greenland-imit ima akissuteqarput:

” KTI Sisimiuni ilinniartut ineqarfiini, kantinami, errorsisarfirmilu errorsissutinik tipigissaatitaqanngitsunik atuisarput. Kingunerutit atorneqarneq ajorput. Ineqartut nal. 16.00 kingorna errorsisarfik atortarpaat. Amerlanertigut errorsissutinik tipigissaatitaqanngitsunik atuinissaannik siunnersorneqartarput,

malikkuminaatsittarpaalli kingunerutit tipigissaatitallit atortaramikkit.
Taamaattumik errorsivik ataaseq taamaallaat errorsissutinik
tipigissaatitaqanngitsunik atuiffiusussamik peqarpoq. Ilinniartut ineqarfiini
errorsisarfeqartarpoq. Errorsissutit tipigissaatitaqanngitsut atortinnissaat
ajornartorsiutaalaartarpoq.”

Campus Kujalleq-imit ima akissuteqarput:

”Maani Campus Kujallermi ilinniartut ineqarfiisa allaffeqarfianni errorsisarfinni
tamani minnerpaamik ataatsimik peqartarpoq TAAMAALLAAT errorsissutinik
neutralinik tipigissaatitaqanngitsunik atuiffigineqarsinnaasunik.
Errorsissutit avatangiisinut innarliisuunngitsutut nalunaaqutserneqarsimanissaat
Campus Kujalliup siunissami anguniassavaa.”

Apeqput c-mut akissut:

Apeqputip akinissaanut Ilinniartitaanermut, Kultureqarnermut Ilageeqarnermullu
Naalakkersuisoqarfimmit ima ilanngussaartoqarpoq:

”Naamik, piunasaqaatinngornikuunngilaq.

Soorlu apeqqummut b-mut akissummi takuneqarsinnaasoq ilinniartut ineqarfiisa
allaffeqarfiisa ilaat kingunerutit tipigissaatitallit inertequtigaat. Soorlu aamma
apeqqut b-mut akissummi ersertoq, ilinniartut ineqarfiisa allaffeqarfiini atuarfiup
errorsisarnera ilinniartullu errorsisarnerat immikkoortinneqarput.”


Apeqput d-mut akissut:

Apeqputip akinissaanut Ilinniartitaanermut, Kultureqarnermut Ilageeqarnermullu
Naalakkersuisoqarfimmit ima ilanngussaartoqarpoq:

”Ilinniartut ineqarfiisa allaffeqarfii oqaloqatigineqassapput ilinniartut ineqarfiisa
errorsisarfii qanoq ililluni aaqqissuunneqarsinnaanersut taamaalilluni
errorsissutit kingunerutillu taamaallaat avatangiisinut innarliinngitsutut
nalunaaqutserneqarsimasut tipigissaatitaqanngitsullu atorneqartarnissaat
qularnaarlugu.”

Naalakkersuisut aamma sap. ak. 32-mit 39-mut KNR-imi video-mik
takutitsinikkut paasititsiniaapput, innuttaasut kajumissaarneqarlutik
errorsissutinik avatangiisinut innarliinngitsutut nalunaaqutserneqarsimasunik
atueqqullugit kingunerutinillu atuinaveersaaqqullugit.

Inussiarnersumik inuulluaqqusillunga



Jess Svane

INUIT ATAQATIGIIT

Inatsisartuni



20. november 2020

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. UKA2019/131 aqutigalugu Naalakkersuisut peqquneqarput Namminersorlutik Oqartussat ingerlataanni errorsinermut qaqorsaait aammalu kingunerutit avatangiisinut innarliisuunngitsunik nalunaaqutsikkanik aammalu tipigissaateqanngitsunik taamaallaat atuilernissaat qulakkiissagaat.**

§37_120/2020-mut akissummi allassimavoq errorsinermi qaqorsaait kingunerutillu avatangiisinik mianerinnittut nalunaaqutsikkat tipigissaatitaqanngitsullu Namminersorlutik Oqartussat sullissiviini atorneqarnissaat qulakkeerniarlugu tamanna isumaqatigiissutini piumasaqaatit ilanngunneqarsimasoq.

- a. Namminersorlutik Oqartussat suliffeqarfiutaasa sorliit errorsissutit kingunerutillu avatangiisinik mianerinnittut nalunaaqutsikkanik tipigissaatitaqanngitsunillu atuilersimappat?**
- b. Sullissivinnut pineqartunut ilaappat ilinniartunut inissiat, kollegiat, Namminersorlutik Oqartussat ingerlataat?**
- c. Taamaassimappat; kollegiani ineqartunut piumasaqaataalersimava errorsissutinik kingunerutinillu avatangiisinut eriniaginnittut nalunaaqutsikkanik tipigissaatitaqanngitsunillu atuissasut?**
- d. Taamaassimangippat; taamak piumasaqarnissamut Naalakkersuisut pilersaaruteqarpat?**

(Inatsisartuni ilaasortaq Sofia Geisler, Inuit Ataqatigiit)

Tungavilersuut:

UKA2019/131-mut siunnersuuteqartut nuannaarutigivara siunnersuutip akuerineqarneraniit sivoorsuunngitsoq ingerlareersoq Namminersorlutik Oqartussat suliffeqarfiutiminnut atatillugu piumasaqaatinngortimassuk avatangiisinut eriaginnittunik tipigissaatitaqanngitsunillu errorsissutinik kingunerutinillu atuinissaq. Taamaasilluni Namminersorlutik Oqartussat maligassiuissunngorput. Nunatsinni imermik kuutsittakkatsinnik peruiaasussanik saliivinnik peqanngilagut, taamaammat ulluinnarni ullormut errorsinitsigut imartatsinnut toqqaannartumik mingutsitsisunik, kingunerutit ilanngullugit kuutsitsiinnartarpugut. Errorsinermut qaqorsaait aammalu kingunerutit tamarmik akuutissanik kuuffikkut kuutsitsinikoorlutik pigaangata avatangiisitsinnut ajoqutaangaatsiarsinnaasunik akoqarput.

Kissaatigivara apeqquktikka ullut suliffiusut qulit qaangiutinnginneranni akineqarnissaat.